



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj: JN1-16-4-3-26/20

Sarajevo, 26.06.2020. godine

Na osnovu člana 69. Zakona o javnim nabavkama BiH ("Službeni glasnik BiH", broj 39/14) i Preporuke komisije za javne nabavke usluge Internet veze – LOT 2 – Lokacija Brčko broj: JN1-16-4-3-25/20 od 25.06.2020. godine, v.d. direktor Agencije za statistiku BiH donosi:

ODLUKU

o poništenju postupka javne nabavke Internet veze – LOT 2 – Lokacija Brčko

1. Usvaja se žalba ponuđača "Mtel" a.d. Banja Luka na Odluku o izboru najpovoljnijeg ponuđača broj: JN1-16-4-3-12/20 od 16.06.2020. godine. U ponovljenom postupku ocjene ponuda i ponovnog sagledavanja svih činjenica, odlučeno je da su ponude ponuđača "Telemach" d.o.o. Sarajevo, "EuroproNET Bosnia" d.o.o. Sarajevo i ponuđača "Mtel" a.d. Banja Luka neprihvatljive te se postupak nabavke usluge Internet veze – LOT 2 – Lokacija Brčko poništava u skladu sa članom 69. stav (2), tačka d) Zakona o javnim nabavkama BiH ("Službeni glasnik BiH", broj: 39/14).
2. Ova Odluka stupa na snagu danom donošenja.

Obrazloženje

Na osnovu Odluke broj: JN1-16-4-3-1/20 od 08.05.2020. godine i Obavještenja o nabavci broj: 11-7-2-11-3-3/20 od 18.05.2020. godine, proveden je konkurentski postupak sa podjelom na dva lota za nabavku usluge Internet i intranet veze (LOT 1 – Internet i intranet veza – Lokacija Sarajevo i LOT 2 – Internet veza – Lokacija Brčko).

Prema Zapisniku sa otvaranja ponuda od 01.06.2020. godine za aktivno učešće u postupku za LOT 2 – Internet veza – Lokacija Brčko dostavljene su ponude ponuđača: „Telemach” d.o.o. Sarajevo, „EuroproNET Bosnia” d.o.o. Sarajevo i „Mtel” a.d. Banja Luka.

Komisija za predmetnu nabavku izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: JN1-16-4-3-8/20 od 08.06.2020. Tenderskom dokumentacijom predviđeno je da će se za predmetnu nabavku provesti e-aukcija. E-aukcija je provedena 10.06.2020. godine sa početkom u 12:00 sati za LOT 2.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača, i to:

1. „Telemach“ d.o.o. Sarajevo sa konačnom cijenom od 2.796,12 KM sa PDV-om;
2. „EuroproNET Bosnia“ d.o.o. Sarajevo sa konačnom cijenom od 2.807,88 KM sa PDV-om;
3. „M-Tel“ a.d. Banja Luka sa konačnom cijenom u iznosu od 3.153,96 KM sa PDV-om.

Shodno rezultatima pregleda i ocjene ponuda i rang listi prihvatljivih ponuda nakon provedene e-aukcije donesena je Odluka o izboru najpovoljnijeg ponuđača broj: JN1-16-4-3-12/20 od 16.06.2020. godine kojom ugovor za LOT 2 dodijeljen ponuđaču „Telemach“ d.o.o. Sarajevo.

Dana 22.06.2020. godine zaprimljena je žalba ponuđača „Mtel“ a.d. Banja Luka na Odluku o izboru najpovoljnijeg ponuđača broj: JN1-16-4-3-12/20 od 16.06.2020. godine. Žalba je ocijenjena kao blagovremena, dopuštena i izjavljena od strane ovlaštene osobe.

U žalbi žalioac ukazuje na nepravilnosti u pogledu dostavljene dokumentacije u sklopu ponude prvorangiranog ponuđača „Telemach“ d.o.o. Sarajevo. Naime, žalioac ističe da ponuđač „Telemach“ nije u svojoj ponudi u obrascu za ponudu upisao broj obavještenja sa portala javnih nabavki, te da nije naveo popis priloženih dokumenata ponude koji čine sastavni dio iste. Dalje žalioac ističe da je Izjava iz člana 52. ZJN BiH potpisana od strane opunomoćenog lica koje po zakonu nije ovlašteno za zastupanje ponuđača, te da se navedena Izjava može potpisati samo od strane lica koje je po zakonu ovlašteno da zastupa ponuđača i koje je odgovorno za zakonitost rada ponuđača. Za prethodno navedeni žalbeni navod žalioac kao osnov navodi Rješenje URŽ-a filijala Banja Luka broj: JN2-02-07-1-686-6/20 od 09.04.2020. godine.

Takođe, u žalbi žalioac ukazuje na nepravilnosti u pogledu dostavljene dokumentacije u sklopu ponude drugorangiranog ponuđača „EuroproNET Bosnia“ d.o.o. Sarajevo. Uvidom u ponudu navedenog ponuđača žalioac je utvrdio da nije u potpunosti ispunjen ponuđeni Nacrt ugovora, te da Izjava iz člana 52. nije potpisana od strane lica koje je po zakonu ovlašteno za zastupanje ponuđača, već od strane opunomoćenika.

Razmotrivši navode žalbe komisija za predmetnu nabavku je utvrdila slijedeće:

Ponovnim uvidom u ponudu ponuđača „Telemach“ d.o.o. Sarajevo za LOT 2 utvrđeno je da u ponudi navedenog ponuđača nije dostavljen popis dokumenata koji čine sastavni dio iste, a koji je u skladu sa članom 58. stav i) ZJN BiH i tačkom 4.2. stav k) tenderske dokumentacije bio dužan da dostavi. U skladu sa članom 111. stav 13) ZJN BiH komisija prihvata osnovanost žalbenog navoda u vezi sa Izjavom iz člana 52., a na osnovu rješenja URŽ-a filijala Banja Luka broj: JN2-02-07-1-686-6/20 od 09.04.2020. godine. Navod žalitelja da navedeni ponuđač nije u svojoj ponudi u obrascu za ponudu upisao broj obavještenja sa portala javnih nabavki komisija smatra manjim odstupanjem koje ne utiče na ispravnost ponude jer je isti upisan u obrascu za ponudu (ispod), a ne na vrhu obrasca.

Uvidom u ponudu ponuđača „EuroproNET Bosnia“ d.o.o. Sarajevo za LOT 2 utvrđeno je da ponuđeni Nacrt ugovora nije u potpunosti ispunjen u skladu sa tačkom 7.4. tenderske dokumentacije za predmetni postupak.


Uvidom u ponudu ponuđača „Mtel“ a.d. Banja Luka za LOT 2 utvrđeno je da je dostavljena izjava iz člana 52. potpisana od strane lica koje nije ovlašteno za zastupanje subjekta upisa, a što je u suprotnosti sa Rješenjem URŽ-a filijala Banja Luka broj: JN2-02-07-1-686-6/20 od 09.04.2020. godine.

Nakon što su razmotreni navodi žalbe ponuđača „Mtel“ a.d. Banja Luka, proveden postupak ponovnog pregleda i ocjene svih ponuda, ponovnog sagledavanja svih činjenica i utvrđeno činjenično stanje, komisija je zauzela stav da nijedna ponuda nije prihvatljiva, te da se u skladu sa članom 69. stav (2), tačka d) i prethodno navedenim da preporuka Ugovornom organu o poništenju postupka nabavke usluge Internet veze – LOT 2 – Lokacija Brčko.

V.d. Direktor Agencije za statistiku BiH prihvata preporuku komisije i donosi Odluku o poništenju predmetnog postupka za LOT 2 – Internet veza – Lokacija Brčko.

Ova odluka objaviće se na Web stranici Agencije za statistiku BiH u skladu sa članom 70. ZJN BiH. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. ZJN BiH.

Pouka o pravnom lijeku: Protiv ovog Rješenja može se izjaviti žalba Uredu za razmatranje žalbi, putem ovog Ugovornog organa, u pisanoj formi, neposredno, elektronskim putem, faxom ili poštom preporučeno, u roku od 5 (pet) dana od dana prijema ove Odluke, a u skladu sa članom 99. i 100. stav 4. ZJN BiH ("Službeni glasnik BiH", broj: 39/14).



v.d. Direktor
Vesna Čužić
Vesna Čužić

Dostaviti:

1. Ponuđačima x3
2. Web stranica Agencije
3. a/a